

SANITÉ: La doturia Grete Mahlknecht é demez dal lönesc, 14 de jügn, cina al vëndres, 18 de jügn; ara vëgn sotituida dal dotur Eduard Agreiter, telefon 333 13 80 852

PLOANIES DA SAN MARTIN Y LUNGIARÜ

En chësta ota podunse indô tigní la Prozesciun Eucaristica dles Antles ai 6 de jügn a San Martin y dl Cör de Gejú ai 13 de jügn a Lungiarü; sambëgn é da tigní ite le regolamënt: destanza, mascherot, ... Les uniuns é periades da fistidié da chirí les porsones che ó ester da porté statues, bandires, y i.i. I sun düc bel invia da tó pert y da surantó val' sorvise por che la prozesciun garetes. Ma sce düc fej impara cun ligrëza, cun cör y interiorité podarunse dí: Cí bela prozesciun ch'al é sté, a lalt de Dî y sciöche desmostraziun de fede.

SAN MARTIN

I tignun la prozesciun de Sant Antone ia Picolin en sabeda sëra dales 19.00 cun mëssa prefestia a Picolin.

LUNGIARÜ

Ordin dla prozesciun dl Cör de Gejú:

Crist - Scolars: mituns cun le confarun cöce - mitans cun le confarun blanch;

Jones: plomac - bandira dles jones - les jones cun la statua de Santa Maria;

Jogn: bandira di jogn - statua de Sant Alvije - i jogn cun confarun di jogn;

Ëj: bandira di Stödafüch - statua de San Florian - i omi cun confarun di omi y statua dl Cör de Gejú;

Musiga; Ciantadus;

dan le Santiscim: mituns dla Pröma Comuniun - sorvidus - cil y linternes;

Prou cun la mostranza;

Ëres: confarun dles ëres - les ëres cun le quant da paura - statua de S. Lizia - dötes les ëres y fomenes.

1° Vangele dala Ciasa dl Pech - 2° Vangele te Chi Pinís - conclujiun te dljia.

La Ciasa de Palsa Ojöp Freinademetz APSP, ënt publich cun 89 lec y 5 apartamënc por jënt atempada y cun zirca 100 dependënc, chir na diretoria nòia / n direttur nü. I requisic por tó pert ala seleziun pón se lí fora dal test dla bandida ch'an ciafa sön le sit www.ciasadepalsa.it.

Al vëgn perié da dé jö la domanda d'amisciun cun la documentaziun damanada ti ofizi dla Ciasa de Palsa cina ai 16.07.2021, dales 12.00.

Por informaziuns cherdede sö 0474/524783.

Döt le bun a chi che complësc i agn de jügn

San Martin: Lois Clara che nen complësc 86 ai 15
Pasquale Schuen che nen complësc 84 ai 16
Otto Erlacher che nen complësc 82 ai 25
Hermann Burchia che nen complësc 97 ai 30

a Lungiarü: Doro Clara dl Toch che nen complësc 86 ai 10
Monica Clara Mischi che nen complësc 89 ai 13
Giovanni Mischi (Frëina) che nen complësc 83 ai 30



line.it/comunite

Plata dles Ploanies San Martin y Lungiarü

ploan Klaus Sottsas 344 15 54 055 - klsoass@rolmail.net
redaziun: anton.gasser@rolmail.net - 348 27 44 517 / 0474 523 194



06.06. - 13.06.21 nr. 28

FESTA DLES ANTLÉS - B

Vangele do Merch 14,12-16.22-26

Tratan past àl tut le pan y à dit dilan, l' à rumpì, ti al à sport y à dit:

Tolede, chësc é mi corp.

Spo àl tut le caresc, à dit dilan,
ti al à sport y düc à boiü d'infora.

Y al ti à dit:

Chësc é mi sanch,
le sanch dl'alianza,
che vëgn spanü por tröc.

Amen, i ves diji:

I ne cina en chël dé,
ch'i nen boiarà danü tl règn de Dî.

Do la ciantia de lalt ési jüs
fora sön la Munt dl Orì.



*I discepuj, che Gejú à invié a past, é döt d'ater co eroi, y Gejú savô chësc;
impó i orôl avëi cun ël pro mësa.*

Gejú se liëia se instës a d'ëi y ince ci ch'al á imënt ól ti surandé:

*süa noela, süa mort, so raport cun le Pere,
döt chësc n'ól nia ma ch'ai vëighes y aldes, mo ch'ai le toles sö dër sot te ëi,
tla maniera ch'ai le manges, n lian plü sot n'él nia meso da avëi.
"Ma ciaré pro" ne passenëia nia pro la noela de Gejú.*

*Les Antlés á süa raisc tla idea ch'an dess conscidré y veneré Gejú tla ostia.
Sté dalunc, degun contat, ne pié nia ite - ci ch'i fajun da passa n ann incá -
döt chësc ne n'ó Gejú nia pro l'ultima cëna.*

*Al ó che nos sües discepoles y sü discepuj pëies do, pëies ite,
toles pert y partësces.*

*Cun Gejú dessel garaté n past por düc chi che á debojëgn de na festa,
y degönes y degügn ne dess ma sté a ciaré pro. (Image)*

EDEMA	SAN MARTIN	LUNGIARÜ	
06.06.21 FESTA DLES ANTLÉS - B	9.00 Corona 9.30 Mëssa solëna por la Comunité <i>de rengraziamënt dl'Eucaristia y dl sazerdoze</i> dedô Prozesciun eucaristica	7.55 Adoraziun, pröma pert 8.15 Mëssa solëna por la comunité dedô: Adoraziun, secunda pert 15.00 Corona tla capela de S. Ojöp Fr.	 Adoro te devote ... 1. Umilté m'inviëia dan da te, oh Dî sot a chëstes formes esistënt y vi. A te dôt me scinchi te mia liberté, tō che te m'implësces te mia poerté. 2. Edli, mans y bocia stënta da capî ci ch'i sëgns ascogna y impó ó dí. Mo la buna noela te descür a me, nia n'é plü sigüda co túa realté. 3. Söla crusc stopada túa divinité, sön alté curida túa umanité vëiga sëgn mia fede tlo tl pan y vin, rot y dé da bëre, testamënt divin. 4. Past che nes recorda túa mort, Signur, festa dla devënta dl pordonn, dl amur: corp y sanch nes liëia te túa comuniun y nes dá la vita tla ressureziun. 5. Por nudrí túa coada, mi bun pelican,*) da to piet i daste túa cern, to sanch: bun Gejú, túa vita cun la mort dla crusc dast' por la salvëza de nos piciadus. 6. Da odëi tües plaies á Tomesc cherdü; me ch'i ne les vëighi, dëideme danü da perié cun fede: "Dî y mi Signur" ligher tla speranza y fedel tl amur. 7. Scíncheme to Spirit, fede y ciarité, fäme testimon de túa verité. Tō es la salvëza, ala fin di trus, lascia ch'i te vëighes te to lóminus. *) Na liënda dl'antichité cunta: <i>Te na gran ciarestia morí jënt y tiers. Por nudrí sü pici á n pelican scarzé sō so piet ti don da mange süa cern y so sanch, insciö á i pici suravît, deperpo che le pelican é mort, deventan insciö simbol de Gejú Crist.</i>
07.06.21 Lönesc <i>Robert, Amadio</i>			
08.06.21 Dedolönesc <i>Helga, Engelbert, Medard</i>	19.00 Mëssa <i>de rengraziamënt por na defunta</i>		
09.06.21 Dedemesaledema <i>Efrem, Vinzenz, Colomba</i>		7.30 Mëssa <i>por fam. Franz Schanung, Iachin a d'intenziun por les püres Animes</i>	
10.06.21 Jöbia <i>Heinrich da Balsan, Diana</i>	7.30 Mëssa <i>de suplica al Spirit Sant + Angela Tavella Castlunger</i> Corona por Vocaziuns		
11.06.21 Vëndres <i>Cör de Gejú, Barnaba apostul</i>	18.30 Adoraziun chîta 19.00 Adoraziun al Cör de Gejú	7.30 Mëssa <i>+ + de fam. Carlo Castlunger + + Sepl y Silvia Rives</i>	
12.06.21 Sabeda <i>Cör de Maria, Hildegard Burjan</i>	19.00 Prozesciun ia Picolin y indô ca Mëssa prefestia a Picolin en onú de Sant Antone <i>por les Animes dl purgatore</i>	13.00 Mëssa da Noza de Evelyn Pezzei y Elmar Valentin 18.00 Mëssa prefestia <i>por fam. de Paul Clara, Brocia aniv. + Filomena Clara, Brocia + + de Vanc</i>	
13.06.21 FESTA CÖR DE GEJÚ - B <i>Sant Antone da Padua</i>	7.45 Adoraziun al Cör de Gejú 8.15 Mëssa solëna por la comunité <i>dl ann + Rosalia Chizzali Ploner a d'intenziun</i>	9.30 Mëssa solëna por la comunité dedô: Prozesciun eucaristica y renovaziun dl'alianza cun le Sacher Cör 15.00 Corona tla capela de S. Ojöp Fr.	